

ՀԱՇՎԵՏՎՈՒԹՅՈՒՆ

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը, զբաղեցրած պաշտոնը.

Սոնա Ծառուկյան, Հայաստանի Հանրապետության սննդամթերքի անվտանգության տեսչական մարմնի (այսուհետ՝ Տեսչական մարմին) ղեկավարի տեղակալ:

2. Գործուղման վայրը և ժամկետները.

Ռուսաստանի Դաշնություն (ք. Մոսկվա, Մոսկվայի մարզ, ք. Նալչիկ, ք. Վլադիկավկազ, գյուղ Վերին Լարս), 2023 թվականի հունիսի 26-30-ը:

3. Հրավիրող կողմը.

Ռուսաստանի Դաշնության անասնաբուժական և բուսասանիտարական հսկողության դաշնային ծառայություն (այսուհետ՝ Ռոսսելխոզնադզոր):

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Ռուսաստանի Դաշնության կարանտինային բուսասանիտարական հսկողության, հացահատիկի որակի և անվտանգության հսկողության, գյուղատնտեսական արտադրանքի արտադրության ժամանակ կիրառվող պեստիցիդների լաբորատոր հսկողության համակարգերի, Վերին Լարս սահմանային անցակետի, Վերին Լարսում տեղակայված ժամանակավոր պահպանման մաքսային պահեստի աշխատանքներին ծանոթանալու նպատակով :

5. Քննարկված թեմաները.

Ռոսսելխոզնադզորի և նրա ենթակայության տակ գտնվող մարմինների աշխատակիցները մեզ ներկայացրին «Հացահատիկի որակի գնահատման կենտրոն» դաշնային պետական բյուջետային հաստատության Մոսկվա քաղաքի և Մոսկվայի մարզի մասնաճյուղի, «Բույսերի կարանտինի համառուսաստանյան գիտահետազոտական կենտրոն» դաշնային պետական բյուջետային հաստատության, «Հյուսիսային Կովկասի միջտարածաշրջանային անասնաբուժական լաբորատորիայի» Կաբարդինո-Բալկարական Հանրապետության մասնաճյուղի, Վերին Լարս սահմանային անցակետի, Վերին Լարս գյուղում տեղակայված «Հարավային դարպասներ» ժամանակավոր պահպանման պահեստի, Ռոսսելխոզնադզորի Դաշնային պետական տեղեկատվական համակարգերի աշխատանքների հետ և պատասխանեցին մեր պատվիրակության անդամների հարցերին:

6. Հանդիպումները, ելույթները, բարձրացված կամ քննարկված հարցերը.

Հունիսի 27-ի առաջին կեսին այցելեցինք «Հացահատիկի որակի գնահատման կենտրոն» դաշնային պետական բյուջետային հաստատության Մոսկվայի մարզի մասնաճյուղում (այսուհետ՝ Մասնաճյուղ) և այնտեղ մեզ դիմավորեց Մասնաճյուղի տնօրենի տեղակալ Վիկտորյա Սուխովան: Շրջեցինք Մասնաճյուղի բաժիններում, ծանոթացանք աշխատանքին՝ ընթացքում ստանալով մեր պատվիրակությանը հետաքրքրող հարցերի պատասխանները

Հունիսի 27-ի երկրորդ կեսին այցելեցինք «Բույսերի կարանտինի համառուսաստանյան գիտահետազոտական կենտրոն» դաշնային պետական բյուջետային հաստատություն (այսուհետ՝ Հաստատություն), որտեղ մեզ դիմավորեց Հաստատության տնօրենի առաջին տեղակալ Դենիս Զիննիկովը: Հաստատության նիստերի դահլիճում մեզ ներկայացվեց Ռոսսելխոզնադզորի «Արգուս ֆիտո», «Արգուս լաբորատորիա», «Արգուս վարակազերծում» Դաշնային պետական տեղեկատվական համակարգերի աշխատանքները, Հաստատության աշխատակիցները պատասխանեցին մեր պատվիրակության հետաքրքրող հարցերին: Դենիս Զիննիկովն իր պատրաստակամությունը հայտնեց Հաստատության ուսումնական կենտրոնում հայ մասնագետների համար կազմակերպել վերապատրաստման դասընթացներ: Վերապատրաստման դասընթացների պայմանները և ժամանակացույցը կքննարկվեն լրացուցիչ:

ունիսի 28-ին այցելեցինք Կաբարդինա-Բալկարական Հանրապետության սյրաքաղաք Նալչիկում տեղակայված «Հյուսիսային Կովկասի միջտարածաշրջանային սանաբուժական լաբորատորիայի» Կաբարդինա-Բալկարական Հանրապետության սննդաճյուղում (այսուհետ՝ Լաբորատորիա), որտեղ մեզ դիմավորեցին Լաբորատորիայի տնօրեն Հաուֆի Սոխրոկովը և տնօրենի տեղակալ Ժանետա Ժամուկովան: սրորատորիայի ստեղծման և գործունեության վերաբերյալ տեսանյութը դիտելուց հետո անետա Ժամուկովան մեզ ուղեկցեց լաբորատորիայի բաժիններ՝ ծանոթացնելով սրորատորիայի և Լաբորատորիային կից ուսումնական կենտրոնի աշխատանքներին պատասխանեց մեր պատվիրակության հետաքրքրող հարցերին: Հանդիպման վարտին Լաբորատորիայի տնօրեն Հաուֆի Սոխրոկովն իր պատրաստակամությունը սյտնեց խորացնել Լաբորատորիայի և Հայաստանի Հանրապետության սննդապատասխան կառույցների հետ համագործակցությունն՝ առաջարկելով նաև հայ սննդագետներին վերապատրաստել Լաբորատորիայի ուսումնական կենտրոնում:

Հունիսի 29-ին այցելեցինք Հյուսիսային Օսիա-Ալանիյա Հանրապետություն – Ալանիայի մայրաքաղաք Վլադիկավկազ, Վերին Լարս գյուղում գտնվող «Հարավային դարպասներ» ժամանակավոր պահպանման պահեստում ծանոթացանք հայկական բեռների ձևակերպումներն իրականացնող պաշտոնատար անձնաց հետ, տեղում մասնակցեցինք բեռներից մեկի ձևակերպման գործընթացին և բուսասանիտարական լաբորատորիայի աշխատանքներին: Այնուհետև այցելեցինք «Վերին Լարս» սահմանային անցման կետ՝ ծանոթանալով անցման գործընթացին: Այդ ընթացքում մեզ ուղեկցում էր Ռոսսելխոզնադզորի Հյուսիսային Կովկասի միջտարածաշրջանային վարչության Հյուսիսային Օսիայի Հանրապետություն – Ալանիայի բաժնի պետ Կազբեկ Մարզոևը: Կազբեկ Մարզոևը և «Վերին Լարս» սահմանային անցման կետի մյուս աշխատակիցները պատասխանեցին մեզ հետաքրքրող հարցերին: Կազբեկ Մարզոևը հայտնեց նաև, որ իր կողմից ձեռնարկվել են բոլոր քայլերը և տրվել են համապատասխան հրահանգները՝ հայկական բեռների սահմանանցումը արագ կազմակերպելու համար:

Հունիսի 30-ին Մոսկվա քաղաքում գտնվող Ռոսսելխոզնադզորի գլխամասում մեր պատվիրակությանը ընդունեց Ռոսսելխոզնադզորի ղեկավարի տեղակալ Անտոն Կարմազինը: Փոխադարձ ողջույնների և շնորհակալական խոսքից հետո Անտոն Կարմազինը և Ռոսսելխոզնադզորի մյուս մասնագետները պատասխանեցին մեր պատվիրակության հետաքրքրող հարցերին, որից հետո ցուցադրվեցին տեսանյութեր Ռոսսելխոզնադզորի Դաշնային պետական տեղեկատվական համակարգերի վերաբերյալ: Ռոսսելխոզնադզորի ներկայացուցիչները և մենք շատ կարևորեցինք Տեսչական մարմնի և Ռոսսելխոզնադզորի համագործակցության խորացումը:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Բոլոր վայրերում եղան բանավոր պայմանավորվածություններ՝ զարգացնելու համագործակցությունը:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Առաջարկում են գնահատել Հայաստանի Հանրապետությունում անասնաբուժական և բուսասանիտարական պետական վերահսկողության մեջ ներգրավված պաշտոնատար անձանց, փորձարկման լաբորատորիաների մասնագետների վերապատրաստման կարիքները և նրանց համար վերապատրաստման դասընթացներ կազմակերպելու

նպատակով բանակցություններ սկսել Ռոսսելխոզնադզորի հետ: Բանավոր զրույցների ժամանակ Ռոսսելխոզնադզորի ենթակայության տակ գտնվող մարմինների համապատասխան պաշտոնատար անձինք հայտնում էին իրենց պատրաստակամությունը հայ մասնագետների համար ստեղծել նպաստավոր պայմաններ:

9. Ստորագրությունը, ամսաթիվը



06. 07. 2023թ.